

[Augsburg], 24. Mai 1566

An Johannes Oporinus

UB Basel, Fr. Gr. I 11, fol. 287r.

Steinmann Nr. 777.

Lit.: Husner S. 161.

S. D. Charini literas, vnà cum syngrapha tua de 200 f. abolitis, eoqúe lacerata, Heluetiorum legati, qui ante paucos dies hinc discesserunt, si nondum miserunt, breui, vti spero, missuri sunt ad te. Addidi et ego meas literas, remissis etiam tabulis rationum nostrarum: quibus diligenter inspectis et expensis, aestimatis etiam ex aequo et bono libris ijs, quibus ne nunc quidem asscripta (!) precia sunt, deberi tibi ab Augustana Republica puto f. circiter 66. de quibus omnino aequum esse existimo, vt propter iniquiores aut parum accuratas aliquot librorum aestimationes f. circiter 12 detrahantur. Ita restabunt 54. Quae tibi ratio si placuerit, rescribito. Sin improbata fuerit: quantum vltra 400 f. Francofordiae acceptos, petas, significato. Ego enim, pro virili operam dabo, vt et tibi primo quoque tempore satisfiat, et ego ex aerarijs eximar. Inuitissimus enim debeo, etsi nihil debeo, hac quidem in re, ἀλλὰ τὸ δοκεῖν πολλάκις καὶ τὴν ἀλήθειαν βιάζεται. neque velim haeredes meos, homines istarum rerum imperitos, si quid mihi humanitus accideret, controuersijs inexplicabilibus intricari. Quare si me amas, et si amari à me vis, expedito me tandem: quod mihi in magna tuorum beneficiorum parte numerabitur. Quòd si cessationes istas prouidissem, ne compelli quidem, Francofordiam vt irem, me passus essem. ρέχθεν δέ τε νήπιος ἔγνω. De meis lucubrationibus non te magnopere laborare existimo, vtilioribus et vendibilioribus operibus occupatum. Laborare et ipse desij τρεψόμενος τὸν θυμὸν ἐφ' ἡδίονας διαγωγὰς. Vale. 24 Maij 1566.

Hieronymus W[olfius] T[uus].